



**Domingo, 22 de novembro de 2009.** O segundo roteiro do [ciclo 2009-2010](#) organizado por ADEGA Lugo por camiños históricos transcorrerá polo do

### **Alto Ulla**

, através do camiño real. Comezaremos polo

### **Castelo de Pambre**

, BIC (ben de interese cultural) do século XIV e capela do S. XII, aínda de propiedade privada, que pretendemos recuperar para o uso público coas

#### [\*\*"Marchas Irmandinhas"\*\*](#)

. Precisamente ás 10h e como inicio do roteiro, haberá un

### **acto reivindicativo**

no Castelo para esixir das administracións a súa recuperación.

---

Na súa contorna, percorreremos o “roteiro irmandinho”: ponte medieval, pasos polo rego do Vilar, castro de Remonde, no camiño real que iría enlazar co francés e o primitivo a Compostela. Neste camiño podemos ver os buratos das areeiras (terra-area que se usaba para esfregar potas e ferros) Continuamos até enlazar coas [torrentes de Mácar-Ramil](#) conxunto de cachós que forma o río Ulla antes da súa confluencia co Pambre e que estaban ameazadas polo encoro de Frádegas.

Paramos para xantar na

### **Eira da Xoana**

, lugar escollido por ADEGA para desenvolver o seu centro de educación ambiental, e á tarde visitamos os seus arredores: Comunidade de Montes de Man Común de Ramil, Outeiro e Basadra, coas suas mámoas e petróglifos, as brañas do Biduedo e a canle de Ramil, verdadeira xoia da arqueoloxía industrial (de comezos do século XX). Desde o “monte de riba” pódense ver as montañas e vales que conforman a confluencia das tres bisbarras: Deza, Ulloa e Melide, cos seus diferentes perfís xeolóxicos e paisaxísticos. A interesante “ecoaldea Arqueixal” (bioconstrucción e produtos ecológicos), marca o remate do último treito que comeza coa visita aos pazos da Ulloa (Sta. Mariña de Amarante e Chorexe). O roteiro son 10 quilómetros aproximadamente con dous treitos de diferente dificultade: media-alta nas Torrentes de Mácar-Ramil (2 km) e baixa no resto (8 km).

## **DOMINGO 22 de NOVEMBRO de 2009**

Normal.....15 €

Estudantes, xubilad@s e no paro.....12 €

Socios/as.....10 €

Até 17 anos.....5 €

**SAÍDA:** diante da Escola de Maxisterio de LUGO ás 9 da mañá.

**Imprescindible anotarse** chamando ao 679113718 (Mari Luz), ou 982240299 (local de ADEGA-Lugo) .

Leva roupa e calzado axeitados e comida para o camiño. O bo humor é cousa de tod@s!